

Ulama perlu bantu atasi masalah umat

UM 1 1 JUL 2003

PUTRAJAYA 10 Julai — Peranan ulama dan cendekiawan Islam masa kini diperlukan beri kutan pengurusan umat di seluruh dunia yang semakin rumit berbanding zaman sebelum ini.

Pengerusi Jawatankuasa Induk Multaqa Ulama Sedunia, Tan Sri Dr. Abdul Hamid Othman ketika berucap pada majlis perasmian persidangan hari ini berkata, golongan itu perlu tampil seiringan untuk membantu mengatasi masalah umat ketika ini agar masa depan yang lebih cemerlang terlaksana seperti yang dirancang.

"Islam mempunyai panduan yang cukup untuk memandu umat dalam apa jua keadaan. Oleh yang demikian, peranan ulama (perlu diperbaharui semu-



la) untuk berhadapan dengan kumpulan yang sentiasa mencari jalan menguasai agama ini," katanya.

Perhimpunan ulama dan cendekiawan Islam dari seluruh dunia yang kali pertama diadakan

di Malaysia itu disempurnakan oleh Perdana Menteri, Datuk Seri Dr. Mahathir Mohamad di Hotel J.W Marriot di sini hari ini.

Pada majlis itu juga, Perdana Menteri berdialog dengan peserta yang menyentuh pelbagai isu dalam Islam dan global.

Seramai 840 ulama dan cendekiawan Islam daripada 33 buah negara termasuk Sheikh Al-Azhar, Sheikh Dr. Muhammad Tawfi akan bersidang pada persidangan tiga hari bermula hari ini.

Abdul Hamid yang juga Penasihat Agama kepada Perdana Menteri berkata, tujuan dianjurkan persidangan ini adalah untuk meletakkan ulama dan ahli fikir Islam di kedudukan sebenar dalam membangunkan ummah.

Katanya, menjadi tradisi pemerintah Islam masa lepas menga-

dakan perbincangan dengan ulama membabitkan kepentingan umat.

"Pemerintah Islam masa lampau menjemput alim ulama dan ahli fikir untuk membincangkan perkara-perkara yang menyentuh kepentingan umat Islam dan meminta pandangan dan cadangan yang boleh dilaksanakan," ujarnya.

Beliau berkata, Malaysia setelah mencapai kemerdekaan berusaha membangunkan kekuatan negara dan umat Islam sebagai menunaikan tuntutan agama.

Bagaimanapun, katanya, terdapat unsur-unsur yang menafikan usaha tersebut sebagai tuntutan Islam.

"Disebabkan kepentingan-kepentingan tertentu mereka tetap berpegang dengan tafsiran yang tidak sesuai dengan keadaan dan situasi semasa," tegasnya.